



REPUBLIKA E KOSOVËS
REPUBLIKA KOSOVA | REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPRJEÇAVANJE KORUPCIJE
THE AGENCY FOR PREVENTION OF CORRUPTION



Dep. Ofc.	DPKI	Mr. Prot. Br. Prot. 06-02/4746/22
Nr. i Fsq.	03	Data 07.12.2022
Dep.		Prot No.
		PRIJATNE

DATË/A:	30.11.2022
REFERENC-Ë:	AKK-DPKI-06-2646/22
PËR/ZA/TO:	z. Naim QELAJ, Avokat i Popullit
CC:	z. Arsim SERMAXHAJ, Drejtor i Auditimit të Brendshëm në IAP
PËRMES/PREKO/THROUGH:	z. Ylli BULESHEKAJ, Drejtor i Agjencisë për Parandalimin e Korrupsionit
NGA/OD/FROM:	Esad EJUPI, Drejtor i Departamentit për Parandalimin e Konfliktit të Interesit
TEMA/SUBJEKAT/SUBJECT:	Opinion lidhur me shqyrtimin e gjendjes së mundshme të konfliktit të interesit

I nderuari z. Qelaj,

Duke vepruar sipas kërkesës së parashtruar në formë të shkruar nga raportuesi i jashtëm (anonim), përmes së cilës në mes tjerash është kërkuar që të fillohet shqyrtimi situatës së konfliktit të interesit për rastin e z. Arsim Sermashaj, Auditor i Brendshëm në Institucionin e Avokatit të Popullit, i cili bën auditimin punës së Zyrtarit Çertifikues z. Bashkim Kryeziu, me të cilin ka lidhje familjare (djali i dajës-djali i hallës). Agjencia për Parandalimin e Korrupsionit (në vijim: Agjencia), konform kompetencave të saj të përcaktuara me dispozitat e Ligjit Nr. 06/L-011 për Parandalimin e Konfliktit të Interesit në Ushtrimin e Funksionit Publik (në vijim: Ligi për Parandalimin e Konfliktit të Interesit), në cilësinë e autoritetit qendror për mbikëqyrjen dhe zbatimin e dispozitave të këtij ligji, në mbështetje të nenit 5, paragrafi 1, nën-parografi 1.1.4., të Ligjit Nr. 08/L-017 për Agjencinë për Parandalimin e Korrupsionit dhe nenit 21, paragrafi 1, nën-paragrafët 1.4, 1.5, 1.7 dhe paragrafi 2, të Ligji për Parandalimin e Konfliktit të Interesit, nxjerrë këtë:

OPINION

- I. Auditimi i punës së Zyrtarit Çertifikues nga ana e Auditorit të brendshëm (Drejtori i Auditimit) me të cilin është në lidhje familjare (djali i dajës), duhet të bëhet në përputhje me dispozitën e nenit 19, paragrafi 2 nënparografi 2.1, 2.2 dhe 2.3 të Ligjit për Parandalimin e Konfliktit të Interesit.



-
- II. Me qëllim të ruajtjes së integritetit, objektivitetit dhe rritjes së besueshmërisë së qytetarëve në Institucionin e Avokatit të Popullit, si dhe në mënyrë që nga jashtë të mos ketë perceptime negative apo edhe konflikt në dukje të interesit, Agjencia rekomandon evitim apo shmangia e situatave të tilla (mbikëqyrjes/auditimit apo raportimit në mes të zyrtarëve në lidhje familjare).

A r s y e t i m

Agjencia për Parandalimin e Korrupsionit ka pranuar kërkesën (*DPKI-06-2646/22*) e parashtruar nga raportuesi i jashtëm (anonim), përmes së cilës në mes tjerash është kërkuar që të fillohet shqyrtimi situatës së konfliktit të interesit për rastin e z. Arsim Sermaxhaj, Auditor i Brendshëm në Institucionin e Avokatit të Popullit, i cili bën auditimin punës së Zyrtarit Çertifikues z. Bashkim Kryeziu, me të cilin ka lidhje familjare (djali i dajës-djali i hallës).

Me qëllim të sqarimit sa më të plotë të këtij rasti, Agjencia ka kontaktuar me z. Sermaxhaj për të marrë informacione shtesë, e me të njëjtin ka mbajture edhe një takim në zyrat e Agjencisë, meqë rast i njëjtë është deklaruar për lidhjen familjare e gjithashtu edhe për punët dhe detyrat e tij që ndërlidhen me ato të z. Kryeziu. Më tej, z. Sermaxhaj ka sqaruar se është i vetmi auditor i brendshëm në Institucionin e Avokatit të Popullit dhe kësisoj është i pamundur evitimi apo shmangia e auditimit të punës së ndonjërit prej zyrtarëve të institucionit.

I. Andaj, pas shqyrtimit të dokumentacionit në dispozicion si dhe në mbështetje të dispozitave të Ligjit për Parandalimin e Konfliktit të Interesit, Agjencia për Parandalimin e Korrupsionit rekomandon që me rastin e auditimit të punës së Zyrtarit Çertifikues nga ana e Auditorit të brendshëm (Drejtori i Auditimit) me të cilin është në lidhje familjare (djali i dajës), të veprohet në përputhje të nenit 19 paragrafi 2, nënpagraghi 2.1, 2.2, dhe 2.3 të Ligjit për Parandalimin e Konfliktit të Interesit, me të cilin përcaktohet se:

Çdo udhëheqës i zyrtarit ose institucion udhëheqës merr masat e nevojshme, të përshkallëzuara dhe proporcionale për të shmangur paraprakisht dhe në çdo rast konfliktin real ose të mundshëm të interesave për shkak të zgjedhjes, emërimit apo caktimit të detyrave ose përgjegjësive të caktuara të zyrtarit. Këto masa përfshijnë por nuk kufizohen:

2.1. *kufizimin e informatave të caktuara për zyrtarin ose shmangien e detyrave dhe përgjegjësive që përbëjnë shkak në shfaqjen e konfliktit të interesit ose të papajtueshmërive;*

2.2. *përjashtimin e zyrtarit nga pjesëmarrja në vendimmarrje;*

2.3. *rishikimin ose ndryshimin e detyrave dhe kompetencave të zyrtarit ose transferimin në një detyrë tjeter që mënjanon konfliktin e interesave, për aq sa nuk parashihet ndryshe me ligj;*

Gjithashtu z. Sermaxhaj, gjithnjë duhet të ketë parasysh deklarimin e konfliktit të interesit “rast pas rastit” ashtu siç është përcaktuar me nenin 17 të Ligjit për Parandalimin e Konfliktit të Interesit, i cili përcakton se:

1. *Çdo zyrtar gjatë ushtrimit të funksionit të tij publik, në bazë të njohurive të tij dhe në mirëbesim, detyrohet që të bëjë vetëdeklarimin paraprak, rast për rast, të ekzistencës së interesit të tij privat ose të personave të afërm me të lidhur me vendimmarrjen në një çështje*

të caktuar, që mund të bëhet shkak për lindjen e një konflikti të interesit dhe të tërhiqet nga kjo vendimmarrje.

2. Deklarimi rast për rast i interesave private bëhet çdo herë nga zyrtari, kur kjo kërkohet nga udhëheqësi ose nga institucioni udhëheqës apo mbikëqyrës. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa më shpejt që të jetë e mundur, por jo më vonë se tridhjetë (30) ditë nga data e kërkesës ose e konstatimit të konfliktit të interesit.

3. Vetëdeklarimi ose deklarimi me kërkesë si rregull bëhet me shkrim, kur zyrtari përfshihet në një vendimmarrje për ndonjë çështje të caktuar.

4. Për çdo rast të shfaqjes së një konflikti rast për rast të interesit, institucioni punëdhënës regjistron identitetin e zyrtarit, interesat private të tij, shkak për një konflikt interesit dhe konfliktin apo papajtueshmërinë e konstatuar, palët e interesuara, burimin e informatave, shtypit dhe vendimet e marra për parandalimin, trajtimin dhe zgjidhjen e tyre.

5. Deklaratat për interesat private dhe të gjitha dokumentet që i shoqërojnë konsiderohen dokumente zyrtare.



II. Me qëllim të ruajtjes së integritetit, objektivitetit dhe rritjes së besueshmërisë së qytetarëve në Institucionin e Avokati të Popullit, si dhe në mënyrë që nga jashtë të mos ketë perceptime negative apo edhe konflikt në dukje të interesit, Agjencia rekomandon evitimin apo shmangia e situatave të tilla (mbikëqyrjes/auditimit apo raportimit në mes të zyrtarëve në lidhje familjare), dhe atë konform nenit 19 paragrafi 2, nënparagrafi 2.4, të Ligjit për Parandalimin e Konfliktit të Interesit, i cili përcakton se në rastet e tilla zyrtari ose institucioni udhëheqës duhet të ketë parasysh shmangien e emërimit ose të zgjedhjes së zyrtarit në funksione në të cilat ekzistojnë ose mund të lindin konflikte të interesave.

Sa i përket parandalimit të konfliktit të interesit nga institucionet publike, me Ligjin për Parandalimin e Konfliktit të Interesit është përcaktuar se në kuadër të rregullativës së brendshme ligjore, institucionet përcaktojnë dhe zbatojnë rregulla të veçanta për parandalimin e konfliktit të interesit, respektivisht: "*Institucionet në kuadër të akteve të tyre të brendshme, parashohin dhe zbatojnë rregulla të veçanta për parandalimin e konfliktit të interesit, varësisht fushëveprimit të institucionit përkatës.*" (Neni 20 paragrafi 3).

Ligji për Parandalimin e konfliktit të interesit në ushtrimin e funksionit publik ka për qëllim forcimin e integritetit në sektorin publik dhe garantimin e kryerjes së detyrave publike në mënyrë objektive, të paanshme dhe transparente në shërbim të interesit publik dhe kjo kryesisht nëpërmjet identifikimit, parandalimit, menaxhimit dhe zgjidhjes së konfliktit të interesit.

Në mbështetje të nenit 18 paragrafi 11, të Ligjit për Agjencinë kundër Korruzionit, në lidhje me nenin 29, paragrafi 4 të Ligjit nr. 08/L-017 për Agjencinë për Parandalimin e Korruzionit, Agjencia mund të rihapë rastin në çdo kohë nëse paraqiten rrethana të reja.

Agjencia për Parandalimin e Korruzionit